

40 Sinar Harian • Jumaat 29 April 2016

KUALA LANGAT / SEPANG

Permukaan lebuhraya tak rataancam pengguna

JENJARUM - Permukaan jalan yang tidak rata dan beberapa lokasi retak di laluan Lebuhraya Lembah Klang Selatan (SKVE) perlu diberi perhatian.

Adun Telok Datok, Loh Chee Heng berkata, ketika memandu di laluan Kilometer 26.1 Lebuhraya SKVE menghala ke arah Pulau Indah, beliau dapati terdapat kesan retakan di tengah-tengah cerucuk jambatan (ramp) di lebuhraya itu.

"Tidak dinafikan laluan itu adalah salah satu jaringan lebuhraya yang jadi pilihan pengguna jalan raya kerana memendekkan masa dari bandar ke desa.

"Tapi saya minta pihak bertanggungjawab serius, bukan sahaja isu retak malah keadaan permukaan jalan yang tidak rata seperti cerun yang tidak selamat untuk pengguna lebuhraya.

"Satu surat aduan dan gambar yang saya sendiri ambil awal pagi semalam telah dihantar untuk perhatian dan tindakan pengurusan Lembaga Lebuhraya Malaysia (LLM) dan berkaitan," katanya.

Chee Heng berkata, beliau beberapa kali menerima aduan mengenai laluan tersebut sekaligus mengharapkan ada perubahan.

Katanya, beliau bimbang berlaku kemalangan disebabkan laluan jalan yang tidak rata.



Chee Heng menunjukkan surat yang akan dihantar kepada pihak bertanggungjawab.

Keretakan yang dikesan di laluan lebuhraya.

'Tindakan ikut undang-undang'

MDKL sudah serah notis kepada pemilik premis sebelum bertindak turunkan khemah, sita peralatan pameran

BANTING - Tindakan penguatkuasa Majlis Daerah Kuala Langat (MDKL) menurunkan khemah dan menyita 10 unit peralatan pameran dan jualan di bawah khemah di Pekan Banting, pagi semalam adalah mengikut undang-undang yang ditetapkan.

Jurucakap MDKL berkata, pihak majlis memandang serius terhadap pemilik premis perniagaan yang dengan jelas melakukan kesalahan mendirikan bangunan sementara (khemah) untuk tujuan promosi jualan tanpa kebenaran dan mengingkari Notis Kesalahan di bawah Akta 133, Akta Jalan Parit dan Bangunan, 1974 di bawah Seksyen 70.

Menurutnya, keingkarannya pihak pemilik premis membuatkan pihak majlis bertindak walaupun notis kesalahan dan notis pemberitahuan serta arahan membuka khemah serta arahan membuka khemah serta arahan membuka khemah serta arahan membuka khemah kepada pemilik premis tersebut.

"Pemilik premis telah diberikan notis kesalahan yang boleh dikompaun dan perlu diselesaikan dalam tempoh tujuh hari.

"Pihak PBT berharap pemilik premis perniagaan di daerah ini menitikberatkan kepentingan awam dan



Operasi menurunkan khemah jualan promosi perabot dan tilam dilakukan anggota penguatkuasa MDKL.

dalam hal ini struktur yang didirikan telah menyebabkan gangguan lalu lintas dan lokasi tersebut berdekatan persimpangan jalan utama yang sibuk," katanya.

MDKL mempraktikkan dasar pintu terbuka di mana pihak PBT sentiasa membuka ruang untuk masyarakat atau pemilik perniagaan untuk berbincang dalam apa juga perkara

atau masalah yang dihadapi.

Sementara itu, pengusaha premis berkenaan, Yap Kong Heng berkata, permohonan lesen telah dibuat sejak tiga minggu lalu, namun tidak diluluskan MDKL.

"Lokasi jualan yang merupakan tanah persendirian iaitu bersebelahan tapak Pejabat Pos Lama sebenarnya tak ada masalah.

"Tapi bila dah ada penguat kuasa datang dan turunkan khemah, saya kecewalah sebab tak diberi kompaun atau apa-apa sebelum tu.

"Saya dah rugi dekat RM10,000 sebab sepatutnya jualan saya bermula hari ni (semalam)," katanya.

Adun Morib, Hasnul Baharudin berkata, beliau turut hadir ke lokasi sejurus menerima aduan daripada

peniaga berkenaan.

Katanya, pengusaha terbabit memohon rayuan mendapatkan lesen tetapi ditolak atas faktor keselamatan jalan raya disebabkan tiada tempat letak kenderaan.

"Isu tak ada tempat letak parkir sebenarnya tak timbul sebab kebanyakan laluan tersebut mempunyai kedai.

"Tak semestinya pelanggan letak kenderaan di bahu jalan sedangkan banyak lagi kawasan lain boleh letak kenderaan," katanya.

Hasnul berkata, beliau memohon Yang Dipertua MDKL, memandang serius perkara tersebut.

Katanya, jika benar mengganggu trafik, mungkin terdapat alternatif lain untuk membantu peniaga dan bukannya mengadakan operasi rampasan barangan.

"Mujur produk perabot mereka tak diangkut sekali. Saya faham penguatkuasa MDKL jalankan tugas mereka disebabkan arahan telah dikeluarkan, namun sebagai pemimpin saya pohon diberi kebenaran untuk berniaga seperti yang dipohon dengan budi bicara yang baik," katanya.